

佛
說
阿
彌
陀
經

《蓮池讚》

			宏開	巨		蓮
菩	菩	菩	普願	聖	南無	
			脫輪		彌陀	池
薩	薩	薩	迴		南無	海
一通鼓 (大眾請就坐)	南無	南無	南無		觀世	
	蓮	蓮	蓮	接	音	會
				引	巨	
	池	池	池	生	聖	八
				淨		功
	海	海	海	土		德
	會	會	會		南無	具
					大勢	
	佛	佛	佛	大誓	至	



淨口業真言 (三遍)

唵。修唎修唎。摩訶修唎。修修唎。娑婆訶。

淨身業真言 (三遍)

唵。修哆唎。修哆唎。修摩唎。修摩唎。娑婆訶。

淨意業真言 (三遍)

唵。嚩日囉怛訶賀斛。

安土地真言 (三遍)

南無三滿哆。母馱喃。唵。度嚕度嚕地尾。娑婆訶。

普供養真言（三遍）

唵。誚。誚。曩。三。婆。嚩。伐。日。囉。斛。

南無蓮池海會佛菩薩（三稱）

開經偈

無上甚深微妙法。百千萬劫難遭遇。

我今見聞得受持。願解如來真實義。

佛說阿彌陀經

姚秦三藏法師鳩摩羅什譯

如是我聞。一時佛在舍衛國。祇樹給孤獨園。與大比丘僧千二百五十人俱。皆是大阿羅漢。眾所知識。長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶刳賓那。薄拘羅。阿菴樓駄。如是等諸大弟子。并諸菩薩摩訶薩。文殊師利法王子。阿逸多菩薩。乾陀訶提菩薩。常精進菩薩。與如是等諸大菩薩。及釋提桓因等。無量諸天大眾俱。（放掌）爾時佛告長老舍利弗。從是西方。過十萬億佛土。有世界名曰極樂。其土有佛。號阿彌陀。今現在說法。舍利弗。彼土何故名為極樂。其國眾生。無有眾苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶。周匝圍遶。是故彼國名為極樂。又舍利弗。極樂國土。有七寶池。八功德水。充滿

其中。池底純以金沙布地。四邊階道。金。銀。瑠璃。玻瓈合成。上有樓閣亦以金。銀。瑠璃。玻瓈。碑礫。赤珠。瑪瑙而嚴飾之。池中蓮華。大如車輪。青色青光。黃色黃光。赤色赤光。白色白光。微妙香潔。舍利弗。極樂國土。成就如是功德莊嚴。又舍利弗。彼佛國土。常作天樂。黃金為地。晝夜六時。雨天曼陀羅華。其土眾生。常以清旦。各以衣祴。盛眾妙華。供養他方十萬億佛。卽以食時。還到本國。飯食經行。舍利弗。極樂國土。成就如是功德莊嚴。復次舍利弗。彼國常有種種奇妙雜色之鳥。白鶴。孔雀。鸚鵡。舍利。迦陵頻伽。共命之鳥。是諸眾鳥。晝夜六時。出和雅音。其音演暢五根五力。七菩提分。八聖道分。如是等法。其土眾生。聞是音已。皆悉念佛。念法。念僧。舍利弗。汝勿謂此鳥。實是罪報所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸眾鳥。皆是阿彌陀佛。

欲令法音宣流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛。念法。念僧之心。舍利弗。其佛國土。成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號為阿彌陀。又舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛。成佛以來。於今十劫。又舍利弗。彼佛有無量無邊聲聞弟子。皆阿羅漢。非是算數之所能知。諸菩薩眾。亦復如是。舍利弗。彼佛國土。成就如是功德莊嚴。又舍利弗。極樂國土。眾生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。眾生聞者。應當發願。願生彼國。所以者何。得與如是諸上善人俱會一處。舍利弗。不可以少善根福德因緣。得生彼國。舍利弗。

若有善男子善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛。與諸聖眾。現在其前。是人終時。心不顛倒。即得往生阿彌陀佛極樂國土。舍利弗。我見是利。故說此言。若有眾生。聞是說者。應當發願。生彼國土。舍利弗。如我今者。讚歎阿彌陀佛。不可思議功德之利。（合掌）東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。南方世界。有日月燈佛。名聞光佛。大燄肩佛。須彌燈佛。無量精進佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。西方世界。有無量壽佛。無量相佛。無量幢佛。大

光佛。大明佛。寶相佛。淨光佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。北方世界。有燄肩佛。最勝音佛。難沮佛。日生佛。網明佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。下方世界。有師子佛。名聞佛。名光佛。達摩佛。法幢佛。持法佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱讚不可思議功德一切諸佛所護念經。舍利弗。上方世界。有梵音佛。宿王佛。香上佛。香光佛。大燄肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。徧覆三千大千世界。說誠實言。汝等眾生。當信是稱

讚不可思議功德一切諸佛所護念經。（放掌）舍利弗。於汝意云何。何故名為一切諸佛所護念經。舍利弗。若有善男子善女人。聞是經受持者。及聞諸佛名者。是諸善男子善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語及諸佛所說。舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土。若已生。若今生。若當生。是故舍利弗。諸善男子。善女人。若有信者。應當發願。生彼國土。舍利弗。如我今者。稱讚諸佛不可思議功德。彼諸佛等亦稱讚我不可思議功德。而作是言。釋迦牟尼佛。能為甚難希有之事。能於娑婆國土。五濁惡世。刳濁。見濁。煩惱濁。眾生濁。命濁中得阿耨多羅三藐三菩提。為諸眾生。說是一切世間難信之法。舍利弗。當知我於五濁惡世。行此難事。得阿耨多羅三藐三菩提。為一切世間說此

難信之法。是為甚難。佛說此經已。舍利弗。及諸比丘。一切世間天人阿修羅等。聞佛所說。歡喜信受。作禮而去。

佛說阿彌陀經

拔一切業障根本得生淨土陀羅尼

（往生咒三遍）

南無阿彌多婆夜。哆他伽多夜。哆地夜他。

阿彌利都婆毗。阿彌利哆。悉耽婆毗。

阿彌利哆。毗迦蘭帝。阿彌利哆。毗迦蘭多。

伽彌膩。伽伽那。枳多迦利。娑婆訶。
（一通鼓）

超度咒（口訣略去）（誦百句千句）（二通鼓）

南無大悲觀世音菩薩。
（三稱）

般若波羅密多心經

(三遍)

觀自在菩薩。行深般若波羅密多時。照見五蘊皆空。度一切苦厄。舍利子。色不異空。空不異色。色即是空。空即是色。受想行識。亦復如是。舍利子。是諸法空相。不生不滅。不垢不淨。不增不減。是故空中無色。無受想行識。無眼耳鼻舌身意。無色聲香味觸法。無眼界乃至無意識界。無無明亦無無明盡。乃至無老死亦無老死盡。無苦集滅道。無智亦無得。以無所得故。菩提薩埵。依般若波羅密多故。心無罣礙。無罣礙故。無有恐怖。遠離顛倒夢想。究竟涅槃。三世諸佛。依般若波羅密多故。得阿耨多羅三藐三菩提。故知般若波羅密多。是大神咒。是大明咒。是無上咒。是無等等咒。能除一切苦。真實不虛。故說般若波羅密多咒。即說咒曰：揭諦揭諦。波羅揭諦。波羅僧揭諦。菩提娑婆訶。

(一通鼓)(大眾請起立)

讚佛偈

(一通鼓)

阿彌陀佛紅珊瑚耀

聖相光明無等好

白毫宛轉無限意

紺目澄清勝大海

法界佛光無數計

覺證菩薩聖無邊

四十八願度眾生

九品登岸上蓮臺

南無西方極樂世界

無上正等正覺
阿彌陀佛

南無阿彌陀佛 (三稱)
南無觀世音菩薩 (三稱)
南無大勢至菩薩 (三稱)
南無清淨大海眾菩薩 (三稱) (一通鼓)

大慈菩薩發願偈

(鈴鼓木魚不打，維那引磬每字打)

十方三世佛。普賢王如來。始祖最為尊。法性圓報身。具相多杰羌。
親傳阿彌陀。彌陀功德勝。我今誠歸依。懺悔三業罪。凡有諸福善。
至心迴向眾。願同念佛人。感應隨時現。臨終西方境。接引淨土生。
同生極樂國。見佛悟無生。誓願度有情。無量法門修。無邊煩惱斷。
悉共成佛道。虛空有盡。我願無窮。三界有情。同圓種智。
十方三世一切佛。一切菩薩摩訶薩。摩訶般若波羅密。

(法器：鈴、鼓、引磬及大磬，不用木魚、鐺子及鈴子)

（維那起立）

拜・
起・

拜・
起・

拜・起問訊起
○古○古○古○古○古○古○
一古○古○
（接廻向偈）

《迴向偈》

願 生 西 方 淨 土 中
九 品 蓮 花 為 父 母
花 開 見 佛 悟 無 生
不 退 菩 薩 為 伴 侶

滿願咒
(七遍)

達雅他
○ 喻

班雜爾
予已雅阿瓦補達拉

○ 娑訶 ○